



DEPUTACIÓN PROVINCIAL
A CORUÑA



CONCELLO DE
CAMBRE

SERVICIO DE PATRIMONIO E CONTRATACIÓN

Número 70/2019

CONVENIO DE COLABORACIÓN ENTRE A EXCMA. DEPUTACIÓN PROVINCIAL DA CORUÑA E O CONCELLO DE CAMBRE PARA COFINANCIAR E COORGANIZAR A II FEIRA DA CIENCIA ABERTA QUE TERÁ LUGAR OS DÍAS 20, 21 E 22 DE SETEMBRO DE 2019.

Na Coruña, a 19 de setembro de dous mil dezanove

REUNIDOS

Dunha parte, Don Valentín González Formoso, Presidente da Excma. Deputación Provincial da Coruña

E doutra parte, Don Óscar A. García Patiño, Alcalde-Presidente do Concello de Cambre.

MANIFESTAN

PRIMEIRO.- Que a II Feira da Ciencia Aberta é un evento que ten como obxectivo achegar a ciencia á sociedade e poñer en contacto a docentes, investigadores e responsables, e incluírá concursos para xoves investigadores, desafíos para o público e espectáculos científicos para todos; así como unha oportunidade de reforzar o coñecemento e a divulgación científica entre as nenas e nenos da provincia da Coruña, tal e como demanda o mercado laboral Europeo.

SEGUNDO.- Que a Deputación da Coruña, é unha entidade de dereito local, que ten, entre outros fins, o fomento dos intereses da provincia, e os temas vencellados co eido local e a formación nos mesmos.

TERCEIRO.- Que o Concello de Cambre e a Deputación Provincial consideran necesario formalizar un convenio de colaboración interadministrativo. Que ambas partes se recoñecen mutua capacidade para a subscripción do presente convenio conforme ás seguintes,

CLÁUSULAS

PRIMEIRA.- O obxecto do presente convenio é regular as bases da colaboración entre o Concello de Cambre e a Deputación de A Coruña, o cofinanciamento e a coorganización da II Feira de Ciencia Aberta, na que participarán estudantes de varios países europeos que se vai celebrar no Concello de Cambre os días 20, 21 e 22 de setembro de 2019, de cuxo fin é achegar a ciencia a toda a cidadanía.

SEGUNDA.-ORZAMENTO DAS ACTIVIDADES O Concello de Cambre, en aplicación deste convenio comprométese a través de medios propios e outros medios de financiamento, da organización e dirección da Feira :

Jaimas e carpas:		12.000,00 euros
Electricidade e son:		8.900,00 euros
Xantar diario (2 días) e cea 2ª noite:	3.600,00+2.100,00:	5.700,00 euros
Baños públicos+limpeza dos mesmos:		650,00 euros
Actividades:		1.500,00 euros
Persoal:		2.000,00 euros
Seguridade nocturna:		800,00 euros
Permisos:		400,00 euros
Auga:		300,00 euros
Roll up's:		1.200,00 euros
Varios:		2.500,00 euros
Orzamento total:		35.950,00 euros

TERCEIRA.-FINANCIAMENTO PROVINCIAL E OUTROS INGRESOS QUE SE OBTENAN OU ACHEGUEN PARA A MESMA FINALIDADE

A Deputación da Coruña como entidade coorganizadora da Feira comprométase a facilitar ao Concello de Cambre os seguintes servizos:

A. SERVIZO DE IMPRENTA PROVINCIAL

A Deputación Provincial da Coruña cederá o uso da Imprenta Provincial nos seguintes termos:

Autorizar á Imprenta Provincial para a maquetación, edición e impresión do seguinte material:

- Carteis tamaño 50x70cm, cunha tirada de 100 exemplares.
- Carteis tamaño A3, cunha tirada de 300 exemplares.
- Carteis tamaño A4, cunha tirada de 400 exemplares.
- Programa de man, cunha tirada de 4.000 exemplares.
- Diplomas tamaño A4, cunha tirada de 500 exemplares.
- Acreditacións staff e participantes tamaño 8,5x12,4cm, cunha tirada de 150 exemplares.

Orzamento máximo de 3.000,00 euros (exento pago)

Por Resolución de Presidencia número 26040 de 29 de xullo de 2019, autorízase á Imprenta Provincial a elaboración do traballo solicitado para este evento, baixo as seguintes condicións:

- Os exemplares entregados non estarán suxeitos á venda
- O material será recollido polo solicitante nas dependencias da Imprenta.
- Fixar a entrega dos traballos o día 26 de agosto de 2019.

B. CONTRATACIÓN DA ELABORACIÓN DE CAMISETAS PARA O EVENTO.

A Deputación provincial da Coruña licitará a contratación da elaboración de camisetas para o evento.

B.1. Licitación e contratación da elaboración de 500 camisetas para o evento

- 400 para participantes e
- 100 para organización),

Orzamento máximo de 4.000,00 euros.

O importe que resulta da contratación dos servizos antes citados, ascende a un total de 4.000,00 euros, que poderá facerse efectivo con cargo á partida orzamentaria 0013/92001/22601.

Os gastos que superen o importe citado serán aboados polo Concello de Cambre.

CUARTA.- Para o seguimento de control do cumprimento do presente convenio constituirase unha comisión integrada por un representante de cada unha das institucións asinantes.

QUINTA.- PUBLICIDADE DA COLABORACIÓN. A imaxe corporativa do evento e todos os materiais promocionais deberán incorporar a imaxe institucional da Deputación provincial da Coruña como entidade colaboradora, que deberán ser acordados coa Deputación e que poderán consistir en publicidade activa mediante paneis fixos, carteis, trípticos, camisetas, cuñas radiofónicas, páxinas web, notas de prensa e calesqueira medios a través dos cales se propague información da actividade. O incumprimento das obrigas de publicidade derivadas do presente convenio dará lugar a súa resolución.

SEXTA.- A vixencia do presente convenio será dende o día da súa sinatura ate o **22 de setembro de 2019**, data sen prexuízo de prorrogar o dito período en virtude de causa debidamente xustificada.

SÉTIMA.- A resolución dos conflitos que puideran xurdir con motivo do presente convenio corresponderán á xurisdición contencioso-administrativa. Para a resolución das dúbidas ou lagoas que puidesen xurdir na súa interpretación estarase ao disposto na Lei 9/2007 de 8 de novembro de contratos do sector público.

OITAVA.- Son cláusulas de resolución do presente convenio:

- O seu incumprimento total ou parcial.
- O transcurso do tempo estipulado sen que se cumpran os obxectivos previstos, agás causa debidamente xustificada.
- O incumprimento das obrigas establecidas na cláusula QUINTA.
- Por acordo mutuo entre o Concello de Cambre e a Deputación Provincial da Coruña.

Faise constar que a través de Resolución da presidencia 29790 de 05 de setembro de 2019, autorízase a colaboración da Deputación como coorganizadora da actividade.

E en proba de conformidade asinan o presente convenio, por cuadruplicado exemplar, no lugar e data indicados no encabezamento.

O PRESIDENTE DA DEPUTACIÓN
PROVINCIAL DA CORUÑA

Asdo.: Valentín González Formoso

O ALCALDE-PRESIDENTE DO CONCELLO DE
CAMBRE

Asdo.: Óscar A. García Patiño

O SECRETARIO XERAL
DA DEPUTACIÓN PROVINCIAL DA CORUÑA

Asdo.: José Luis Almar Supervía